

DISPUTATIO INAUGURALIS
MEDICA
De

FEBRE TERTIANA INTERMITTENTE EPIDEMIA,

præterito vere Septentrionem,
subq; ea Curlandiam
infestante,

Quam

PRÆSIDE SUMMO ARCHIATRO

INDULTU & AUCTORITATE

NOBILISSIMÆ & GRATIOSISSIMÆ
FACULTATIS MEDICÆ

IN

INCLUTA ALTDORFFINA

PRO LICENTIA

Summos in Arte Medica Honores, Pri-
vilegia & Insignia Doctoralia, rite & legitime
Majorum more assequendi,

Publicæ Patrophilorum disquisitioni

submittit

ROSINUS LENTILIUS,

WALDENBURGO-FRANCUS.

Physicus Crailsheimensis designatus.

Addiem xiv. Octobr. A. O. R. M D C LXXX.

ALTDORFFI,

Literis Henrici Meyeri, Acad. Typogr.

SERENISSIMO ATQUE CELSISSIMO
PRINCIPI AC DOMINO,

DOMINO

JOHANNI
FRIDERICO,

MARCHIONI BRANDENBUR-
GENSIUM, MAGDEBURGENSIUM, BORUSSO-
RUM, STETINENSIVM IN POMERANIA, CASSUBIORVM
ET VANDALORVM, NEC NON CROSSENSIVM ET JÆGERN-
DORFENSIVM IN SILESIA DUCI, BURGGRAVIO NORIM-
BERGENSI, PRINCIPI HALBERSTADIENSI,
MINDENSI ET CAMINENSI,

Domino Suo clementissimo,

Disputationem hanc Inauguralem


devotissima subjectionis pignus

offert

Serenissima Ejus Celsitudinis

Humillimus Cliens

ROSINUS LENTILIUS,
Phys. Crailsheim. design.



PROOEMIUM.



Uem hic, Benevole Lector, partum conspicaris, conceptum Curonia inchoavit, Mare Balthicum formavit, Norica jam nunc tellus enititur. Quis itaq, si monstrum is potius, aut abortum amulatur, quam fœtum perfectum, mirabitur? Spuma Maris non semper excludit Veneres, videas inde nonnumquam & horrenda monstra, & finum & prodire quisquilias. Antecessorem vobis Nasonem sisto, qui suos in Ponto prognatos versiculos, auribus haut æq, delicatis placituros, non semel excusat. Inter abortus causas animi pathemata, è quibus palmarium sibi fere locum terror vendicat, non sunt utiq, postremo collocanda. Quos incutere pavores Neptunus valeat, quando caliginosa capete est usquequaq, Cælum obvelatum, quando fulgetrorum jubar per intervalla tenebras intersecat, dum interea venti portentoso flatu aures percellunt, & fluctus immani fremitu naviculam hinc inde concussam, rursus prorsum, sursum deorsum jactant, ego quidem cum Comitibus sum egregie expertus. Inde mihi præsens, quem videtis, abortus nascitur. Abortum dico fetus immaturi, perfectionem suam nondum adepti exclusionem. Talis est mea de Febre Tertianâ intermittente disputatio, quam si perfecte enucleatam, Benevole Lector, desideras, eam non in hisce pagellis, sed magno volumine quare. Tamenim est intricata febrium intermittentium doctrina, præcipue, quod earum causas periodosq, attinet, ut numeris fere Platonicis obscuriora ea omnia jure dicas, quæ antiqui primario, deinde recentiorum nonnulli super hoc argumento prodidere. Hoc proinde, Lector Benevole, moneo, quando meam hanc dissertatiunculam legis, eam vix certiore, quoad febris tertianæ causas & rationem formalem, esse censeas, quam sunt fluctus maris, eam qui formavere.

§. I.

FEBRIS *sive* à Romanorum *febris*, quod plurimis arridet, *sive* à *fervendo*, seu deniq; urbe *Tabro* Arabiae, in quam, ubi febricitantes se conferrent, à morbo liberabantur, sic appelletur, ejus quidem rei parum interest. Id saltem hic loci nosse juvat Græcis eam *πυρετόν*, ἀπὸ τοῦ πυρὸς, *ab igne*, nuncupari, eo quod igneo quodam calore Sulphur sanguinis seu humidum radicale Veteribus dictum depascatur. Germani uno ore, das Sieber/nomenclatura è Latio mutuata, vocamus.

II.

Nostri hæc Febris audit cum additamento *Tertiana*, itemq; *Triduana*, Græcis *Τριήμερος*, Germanis, das dreytägige Sieber/ oder daß man über den andern Tag hat/ quæ tertio quoq; die invadit, relicta una intermissionis die. *Intermittentem* dicimus ad differentiam *Tertianæ continuæ*, eo quod hæc calore continuato ægrotos coquat, saltem tertio quoq; die calor exacerbetur; illa vero per intermedium diem det ægris inducias, alternis vero diebus, sive tertia inclusive die pugnam restauret. Dies invasionis febrilis, seu quando *paroxysmus* ingruit vocatur Germanis, der böse Tag/dies vero intermissionis, Græcis ἀπυρεξία, Germanis der gute Tag. Quare hanc nostram vocemus *Epidemiam*, infra competentiloco patebit.

III.

Definitur autem mihi Febris *Tertiana intermittens Epidemia*, quod sit effervescentia Sanguinis & humorum præternaturalis, tertio quolibet die cum rigore invadens, totamq; certo tempore regionem affligens.

IV.

Genus seu ratio formalis est *effervescentia*, Græcis ζέσις, ebullitio ad differentiam ζυμώσεως seu *fermentationis* naturalis dicta, perq; eam intelligo motum *intestinum* excessivum è confusione particularum inter se maxime contrariarum ideoq; mixtionem renuentium exortum, cumq; turgescencia & frigore nonnunquam, aliquando calore conjunctum. *Effervescentia* autem *frigida* fit, quando *sal acre purum*, quod sulphurei vel oleosi in se nihil vel parum continet, cum *spiritu acido* congreditur, estq; frigidior eo, quo sunt particule puriores & minus vel terre-

terrestribus vel lymphaticis aliis intertextæ: Ejusmodi cum intenso frigore effervescentiam è confusione salis urinæ volatilil cum spiritu salis communis aut Vitrioli experiri quilibet potest: *Calida vero effervescencia* oritur, quando *lixivioso sali* plus minus est *sulphuris* & *oleosi pinguis* conjunctum, cum calore vel intensiore vel remissiore; Talis effervescencia visitur in conjunctione spiritus seu olei terebinthinæ cum spiritu Vitrioli in apertam nonnunquam flammam erumpens, ut de spiritus vini cum spiritu Nitri confusione nihil dicam.

V.

In definitione dixi *effervescentiam sanguinis* & *humorum*, per quos *chylum* præcipue & *lympham* intelligo, quæ primum sibi ipsis in ductu thoracico, dein junctim sanguini in subclavia miscentur. *Præternaturalem* dixi ad differentiam naturalis tum bilis & succi pancreatici in intestino tenui, tum sanguinis venosi versus cor refluï & recentèr è subclavia adventantis chylosi in corde.

VI.

Quo igitur pacto *febrilis illa effervescencia* in sanguine procedat, est nunc dispiciendum, id quod fieri commodius vix poterit, quam si ad naturalem paulisper statum recurramus. Ubi scitum est per hodiernas observationes, chyli maximam ad minimum partem (sunt enim, qui ejus quandam portionem per venas mesaraicas ad hepar meare statuunt) per glandulas intestinales transcolatam in venas lacteas transsumi, perq; eas ad commune chyli receptaculum, seu capsulam Pecquetianam properare. Per eandem verò anatomen novimus eidem capsulæ è vasis lymphaticis infundi lympham, quæ lympa cum subacida sit, una cum chylo per ductum thoracicum adscendit ad labyrinthum Bilsianum & venam subclaviam; ubi cum sanguine utraq; confusa cor subingrediuntur pro instituenda ibidem vitali effervescencia.

VII.

Suspikor itaq; in febribus Tertianis intermittentibus ob stomachici fermenti inertiam alimenta, præsertim prava, infra recensenda non in laudabilem cremorem digeri, nec ab exorta in intestino tenui bilis & succi pancreatici cum eodem è pyloro adventante cremore effervescencia excrementa rite separata

præcipitari, ac proinde chylum difficulter à glandulis intestinalibus sequestrari posse, quin *eum* generari *viscidum*, *lentum* & *acrem*. Ille chylus in vasa lactea transsumtus occasione visciditatis suæ dicta vasa *intantum* & *particulariter*, *non intotum* & *universaliter* (sic enim è ruptis lacteis esset metuendus hydrops) *obstruit*, saltem lentore suo distributionem motumq; sui retardat. Dum ita lente chylus crassus & acris in vasis chyliferis movetur, inq; capsula Pecquetiana cum lymphâ ob rationem infra dicendam justo acidior reddita miscetur, *oritur primum effervescentia*, *quæ*, *quia chylus oleosa pinguedine destitutus acrimoniam sibi adscivit*, *omneq; ab acido frigus est*, *existit frigida*, quod frigus ad musculos *ψόας* in lumbis primum sentitur, hinc una cum chylo & lymphâ effervescentibus per ductum thoracicum adscendit, per spinalis medullæ nervos omnibus corporis extremitatibus communicatur, *cujus comes est rigor*, quando eodem frigore panniculus carnosus, subiectum rigoris, lancinatur, adq; sui contractionem tremulam irritatur, qui rigor nunc major est nunc minor ob chyli nunc majorem nunc minorem acrimoniam; nunc magis nunc minus durabilis, prout chylus est viscidior, crassior adq; motum ineptior: Ex hoc proinde fonte est deducenda *lumborum tensio*, *dolorq; gravativus una cum frigore per spinam dorsi sensibiliter repens*, de quibus ægri sub initium paroxysmi conqueruntur, tamq; diu durant, usq; dum materia perveniam subclaviâ sanguini versus Cor refluxo remixta, cordiq; infusa rigori finem imponit; ubi obiter notandum à Practicis *rigoris* vocabulum præcipue *Tertianæ*, (hinc in definitione facta *rigoris* mentio) *frigoris quotidiana* & *horroris quartana febribus* adscribere; & quidem in tertiana, dum chylus acrimonia salsa magis peccat, minus est frigus; major in quartana horror, ob chylum magis acidum.

VIII.

Jam ubi materia hæc acore viscido prædita sanguini in subclaviâ infunditur, cumq; eo Cor versus properat, magnos ibi cum accedente sanguinis sulphure tumultus excitat; dum enim sanguis pro more consueto crudior illam materiam subigere tentat, *oritur effervescentia calida* cum æstu nunc majore nunc minore, corpori per vasa communicato, & anxietate non levi, quemadmodum hæc omnia pro materiæ conditione oppido
variant;

variant; hicq; conflictus & æltus tamdiu durant, donec dicta materia viscida nunc maturius nunc tardius subacta, in moleculas dissipata, & maximam partem per *diaphoresin*, aliquando etiam *sudorem* foras eliminata, *paroxysmus cessat*, inq; statum omnia pacatum redeunt, induciæq; tantisper fiunt, usq; dum materia in intestinis & ductibus chyloferis denuo collecta, inq; motum cita, prælium novi paroxysmi adventu instauratur.

I X.

Illam vero *periodorum in intermittentibus diversitas* non est aliunde petenda, quam à *materiae morbigicae copia, lentore, visciditate aut acrimonia majoribus vel minoribus*. In quotidiana enim, quoniam toties dicta peccans materia est fluidior, nec adeo tenax & viscida, ideo singulis diebus, quando natura se chyli distributioni rursus accingit, illa materia propulsa paroxysmum inducit; in *Tertiana* vero chylus viscidior, in *quartana* tenacissimus, tam in vasis lacteis diu hæret, tantumq; lentoris colligitur, quantum non amplius natura sufferre potest, sed à materia quasi turgente sollicitata propulsionem ejus vi urget, *hinc novus paroxysmus*. Videmus id eodem prorsus modo fieri in iis, qui *hemorrhoidibus* aut *defluxionibus catarrhalibus* per vices laborant, ubi sanguis illic, hic pituita tam diu colligitur, donec natura, ejus quasi copia irritata excretionem meditatur, eamq; prænitentis haut raro temporibus, in prioribus cumprimis; ut de *fluxu femellarum menstruo* nil dicam. Facile quoq; mihi quis largietur, postquam aliquot jam paroxysmi deferbuerunt, naturam quasi ad consuetum opus tempore statuto sponte redire, quamdiu præsertim adhuc materiae vitiosæ quid restat, exemplo eorum, qui *cucurbitulis scarificatis mensibus utuntur singulis*, qui molestiam quandam & titillationem percipiunt, immo pustulis efflorescunt in locis antea scarificari solitis, si quando cucurbitularum usum intermittunt. Nec inde inferitur paroxysmos eodem semper tempore eademq; hora necessario redire debere; *anticipant enim & postponunt*, pro conditione tum ipsius humoris aut visciditate aut copia aucti vel imminuti, aut pro ratione virium seu roboris naturæ vel citius, vel tardius materiam propellentis.

X.

Si cuidam fortasse hæc sententia mira videtur & paradoxa, illi in seipso experiri libeat, *aliquot horis post adsumtum cibum*

*bum præterlapsis pulsum augeri, cordisq; motum esse concitatio-
rem, eo quod novus denuo Chylus per ductum Pecquetianum
advectus cordi suppeditatur. Quidni ergo in febribus inter-
mittentibus, quanto est chylus à naturali statu remotior, tan-
to majores in corde turbæ excitari possent? Quin haut raro mox
post assumptum cibum levi quodam rigore corpus concutitur; quidni
possit id fieri in statu præternaturali & febrili diathesi, ubi chy-
lus & viscidior est, & acrior?*

X I.

*Stabulantur itaq; febres in primis viis, ventriculo, intestinis &
mesenterio, incenduntur in Corde; nec quidquam vetat febrem
tertianam intermittente pronunciare morbum intemperiei,
ejusq; subiectum statuere Cor. Atq; hæc omnia, quæ jam sunt
dicta, causarum remotiorum recensio, symptomatum conco-
mitantium commemoratio, & morbi deniq; curatio, magis illu-
strabunt.*

X I I.

*Causas proinde naturales quod attinet, nullum equidem vidi
temperamentum ab hac epidemia Tertiana eximium, pituitosis
autem quibus humoribus scaterent ea fuisse præ aliis affectos; sunt
enim illi humores, ad febres intermittentes excitandas ideo
aptissimi, quia sunt obstructionum Parentes: Sic fermentum ven-
triculi, bilis & succus pancreaticus viscida, non nisi chylum
viscidum gignunt. Etati nulli, nulliq; sexui hæc febris pepercit,
vidi tamen infeminis, ubi semel eas invaderet, fuisse pertina-
ciorem.*

X I I I.

*Cause nonnaturales consideratione sunt digniores, inq; iis
Aëris temperatura non parum ad hanc febrem contribuit.
Hyems enim, utut esset primo satis in illis locis septentrionali-
bus & frigida & aquilonia, humoresq; proinde corporis nostri,
inq; iis lympham aciditate haut mediocri imprægnaret; frigus ta-
men illud vix ad usq; Sancta Natalitia perduravit, quin desubi-
to remittens, subitam quoq; corporibus nostris mutationem in-
tulit: raræ tunc fere nives, crebriores pluvix fuerunt; Terræ
sinus ante tempus reclusus multos vapores putridos exhalavit:
Aër usq; ad Pentecostes Festum crassus, turbulentus & humi-
dus, adustionem quasi nonnunquam spirans; venti pauci, & , si
qui*

qui essent, *australes fermenti ventriculi* ob Sal, quod è meridionalibus locis secum vehunt, volatile, *populatores*; cum magis profuissent *venti boreales acidum in sinu foventes* (hinc hyemali tempore appetitus major, hinc septentrionales populi Comedones) Hæc aëris mutatio subitanea vehementer fuit noxia, eo quod fermentum ventriculi antea, quod aër esset convenienter frigidus, satis acidum, nunc subito fuit pessundatum, aq; aëre turbulento, crasso & fetido inspirato, mediante quoq; saliva iners factum, pituitaq; acris multa genita, cujus præsentiam superflua *gravedines* & *coryza*, *quintus* fere nemini non, *febresq;* *catarrhales* multis molestæ demonstrarunt. Inde cibi adsumpti rite fermentari nequiverunt, sed in lentorem potius quendam, & massam inutilem, è qua chylus laudabilis exculpi non potuit, abierunt; quæ prava ventriculi fermentatio in tantum duravit, ut omnes humores, & per consequens etiam bilis & succus pancreaticus glutinosi fierent, tandemq; à chylo viscidiorè semper factò vasa lactea obstruerentur, atq; ita febrì Tertianæ daretur initium. Præsertim si cibi, pro more septentrionis incolis solemni, essent natura *viscidi* & *glutinosi*, vel alioqui concoctionis difficilis: ejusmodi sunt Pisces marini, &, quæ illo anni tempore fere sola comedi solet, Caro vitulina, carnes & pisces fumo indurati, &c. *Cerevisia* crassa, turbida nec satis defecata portionem suam contribuit. Cæterum superflua *quies* & *somni* diutius protracti febrem hanc multis modis promoverè queunt, quatenus humorum legitima per motum & vigilias facta ventilatio sufflaminatur, totumq; corpus languidius, torpidiusq; redditur. Animi pathemata *tristitia*, *metus* hic symbolam conferre suam possunt:

XIV.

Causse præternaturales hujus esse febris possunt, *diathesis corporis scorbutica*, istis Maris Balthici accolis alioqui *endemia*; item *malum hypochondriacum*, *cachexia*, *imbecillitas ventriculi*, omnesq; morbi, in quibus humores lenta visciditate acrimoniæ conjuncta peccant.

XV.

Jam quibus fuerit Tertiana nostra Epidemia symptomatibus stipata enarrandum; ad causarum enim illustrationem illa sane multum facient: Conjuncta itaq; primo fuit cum *totali*

appetitus abolitione ; immo, quidam ægri, cibos ne quidem aspicere, aut vix odorari potuerunt: Hæc inappetentia non oritur aliunde, quam ab inertia fermenti stomachalis. Id enim certum est, appetitum naturaliter excitari ab acore fermentali, qui, quando stomacho vacuo, objectum, in quod agat, non habet, ventriculi membranas vellicat, inde tristis sensatio, fames dicta. Fermento autem inerte existente, membranz nullatenus vellicantur, nec appetitus excitatur. (2.) *Nausea*, ejusq; sæpe comes *vomitus*: nam, præter id, quod audacter aliquis in hac febre Epidemia pronunciare potuit, hospitem hunc novum esse pro foribus, ubi sine causa manifesta quis vomuit, ego præterea vidi, qui sub accessione singulorum paroxysmorum per 4. vel 5. horas indefinenter vomerent, magna cum cordis anxietate, tantaq; virium deperditione, ut eo momento animam exhalaturos existimasses; non, quod semper aliquid evomerent, sed, quod vomendi conatus continuo adesset: Omne tamen, quod evomebant, erat *gluten transparens ductile & tenacissimum*; post biliosi humoris non nihil à vehementi impetu è tellis vesicula se effundente per pylorum accitus. Ejusmodi vomitus, quid aliud loquuntur, quam laborare ventriculum, humoribusq; per invasionem novi paroxysmi, (tunc enim humores eadem ratione, qua in navigationibus agitantur) motis ad cruditatum excretionem irritari? gluten vero rejectum, nonne, quales in primis viis humores stabulentur, demonstrat? (3.) *Lumbrici* neutiquam reticendi: fuere enim à multis per utrumq; guttur rejecti. Pharmacopœi cum primis famulus heri jussu pharmacum antimoniale haussit, & *lumbricos rubros quatuor calami scriptorii crassitie, & 1½. ulnæ Rigenfis quadrantes longitudine ex æquant* evomit. A pituitosis vero ventriculi & intestinorum humoribus vermes propullulare est in confesso. (4.) *Alvi adstrictio*, vel à denegato bilis inertis stimulo (si id est bilis officium, intestina ad excretionem stimulare, & nisi absoluta intestinali effervescentia omnis aculeus hebescit) vel potius ob glutinosam excrementorum visciditatem, internis intestinorum parietibus affixam adq; motum ineptam; non enim in sphinctere culpa sita, quando quidem aderant in ægris desidendi conatus, verum absq; excretionem. (5.) *Lumborum primo, hinc spine dorfi, deniq; omnium extremorum rigor & dolor gravativus molestissimus*, cu-

jurationem supra §. 7. explicatam videre licet. (6.) *Palpitatio cordis sub initium æstus & finem rigoris cum anxietate magna multis molesta*, quia à nimia concurrentium in corde humorum effervescencia Cor expansum una Systole satis contentorum expellere non potest, undiquaq; deniq; refertum materiam tenacem & inimicam cum impetu expellit. (7.) *Tussis ad finem usq; rigoris ægris multis longe molestissima, nonnunquam sicca, nonnunquam crassa viscida pituita*, cui *Salsedinis* nonnihil inerat, fuit rejecta: quam ego tussim sæpe à pituita salsa è capite depluente derivandam censeo, nonnunquam à pituita in ventriculo contenta, per œsophagum sensim reptante, ratione saluginis arteriam asperam vellicante; vel etiam ex pituita salsa in tonsillis generata: Vel *siccam*, è pituita ventriculi valde lenta, sed acri & salsa, à qua vapores acres ad tracheam adscendentes eandem irritant. De *siti*, æstus febrilis individuo Comite, cujus causa nemini est ignota, *Cephalalgia*, aliisq; Symptomatibus brevitatis studiosus taceo, & ad differentias propero.

XVI.

Differt hæc febris in genere à *continua* quavis, quia continuæ febres tempora sua sine remissione decurrunt: Deinde differt à *Tertiana continua* ob rationem supra §. 2. adnotatam. Differt à reliquis intermittentibus, puta *Quotidiana*, *Quartana*, quia hæc semper quaternis, illa singulis diebus paroxysmos suos renovant. A *Tertiananotha*, eo quod in *Tertiana exquisita* frigus & calor exquisite & magno cum molestiæ sensu utraq; affligunt, & intra duodecim ad maximum horas paroxysmus defervescit, in *notha* vero, quam ibi terrarum, das flubsche Fieber / appellant, frigus & calor vix quidem sentiuntur, paroxysmi vero interdum ad 15. 18. 20. horas sese extendunt. Ab omnibus deniq; differt, quia hæc est *Epidemia*, hoc est talis, uti in definitione explicatum, quæ certo anni tempore totam regionem infestat.

XVII.

Tertiana febris haud difficulter internoscitur: quoties hæc est *epidemia*, Tuq; cætera sanus, a versari cibos occipis, certo divina, peregrinum hunc hospitem esse pro foribus: ingruente paroxysmo oscitant ægri crebro & pandiculantur; hinc dolor

in lumbis circa os sacrum gravativus perſentiſcitur, qui ſenſim ſenſimq; per doſi ſpinam ad uſq; jugulum ſerpit; dum interea temporis rigor nunc magis, nunc mihus, mora jam diuturniore, jam vero brevior corpore totum quaſſit, & moleſtum frigus affligit; ungues liveſcunt, labia cœruleo colore, totaq; facies livido ſœdantur, *cutis fit anſerina. pori conſpiciuntur*: Nauſea nonnunquam adeſt cum vomitu ac tuſſi: Poſtquam ceſſavit rigor, præternaturali corpore omne calore aſſatur, nunc remiſſiore, nunc æſtuate magis; roſeo vultus colore denuo pingitur & ſitis adeſt, uſq; dum chylo à ſanguine ſubactò receptui canitur, & fiunt tantisper induciæ, dum adventante die tertia eodem ordinariè tempore prælium redintegratur. Interea pulſus eſt à paroxyſmi initio quaſi *obpreſſus*, à rigore, fibras arteriarum motrices infeſtante; mox incipiente æſtu fit *celer, magnus & frequens* à præternaturali humorum efferveſcentia ſtimulatus: *Urina* abſq; *ſedimento rutila*, quando particulæ terreſtres intimius quaſi chylo & humoribus incoctæ, ad urinarias vias non amandantur, atq; adeo urina, quæ fermentari alioqui in veſica debebat, ob ſalis lixivioſi purioris præſentiam magis efferveſcit.

XVIII.

Porro eſt hic Senex divinus audiendus, *febres, quacumq; ratione intermiſerint, vacare periculo pronuncians*. Sunt enim ſanguinis totiuſq; corporis mundificativum inſigne, ſinguliſq; Paroxyſmis haut ſecus expurgatur corpore, atq; incenſa fuligine fumaria, alſ wenn man einen Echlot außbrennt / aut ex amiantho contextæ veſtes in ignem conjecktæ ſordes deponunt. Verum enim vero, ubi Tertiana, quam par eſt, diutius affligit, aut quando Septenarium paroxyſmi tranſcendunt, non quidem, quod antiqui voluere, in alium ſemper typum febris degenerat, & è legitimis tertianis fiunt illegitimæ, ſed evadunt periculolæ, morborumq; chronicorum, puta *bydropis, ſcorbuti, quin paralyſeos* haut raro productrices. Id meo cuidam amico, inſigni viro & erudito contigit, qui cum tertiana per ſeptimanas octo-decim, ſed paroxyſmo fere ſemper anticipante, laboraſſet, Excellentiffimuſq; Harderus, Archiater Ducalis & meus ex aſſe Fautor induſtriæ ſuæ atq; dexteritati reliquum nihil feciſſet; adeo tamen fuit pertinax, ut corporis totius tumores, ventriſq; dolo-

dolores insoliti, scorbutum esse pro foribus, nunciarent: *Æger* cœli mutationem sibi fore salutis persuasus, migravit nidum, *Windaviamq;* ad Reverendum Fratrem, amicum meum magnum delatus in resolutionem nervorum tantam incidit, ut per se præterpropter menses ne minimum quidem digiti articulum movere potis esset; est *tandem antimoniatoper Dei gratiam feliciter decocto restitutus*. Ne vero quisquam miretur tantas à Tertiana ludi tragœdias posse; nam per tot paroxysmorum fervores, sanguis balsamico suo Sulphure prorsus depauperatur, & exaltatis interea particulis ejus Salinis, ab igne indomabilibus, quin ad majorem potius acrimoniam evectis; *ad instar vini penduli sanguis vappescit*, indolemq; scorbuticam adiscit; dum postea Sal ille sanguinis arteriosi in naturam lixiviosam fixiorem magis magisque semper evehitur, ita Spiritus animalis quoq; pro ratione materiæ Spiritu suo volatili orbus & expers gignitur, nec est, nisi iners lympa; hinc motus impotentia & paralysis, non quidem è nervorum obstructione exorta, sed hoc in casu Spiritus animalis non secus se habet, atq; dum in sclopeto, quod pennam vocamus, debilius est, quam ut sit potis ad Ignem è chalybe cum impetu eliciendum, vel quando defluentis aquæ super molarem rotam impetus ad eam circumagendam non sufficit. Sæpissime hæc Tertiana ab initio neglecta, in novos quotidie paroxysmos efferbuit, ita tamen, ut proportionem sibi primus & tertius, secundus & quartus responderent, quæ febris, num sit spuria quotidiana, an tertiana duplex, vel deniq; hemitritæus dicenda, in medio relinquo, idq; ob Practicorum alterationes, qui, quid per hos terminos velint intellectum, prope modum ipsi ignorant: Sufficiat innuisse, tunc febrim difficulter potuisse tolli, quemadmodum etiam, ubi, quod est sæpe factum, degeneraret in quartanam, hoc enim, quemadmodum acorem materiæ lentoremq; majorem, ita illud majorem ejus copiam significavit. *Anticipare* paroxysmos bonum non est, quemadmodum ubi *postponunt*, intestinum hostem brevi valedicturum prænunciant, *Vomitus* ineunte paroxysmo, quo & major est & diuturnior, eo majorem notat cum morbi vehementiam, tum ventriculi debilitatem. *Febrem* hanc superveniens *icterus* per cutis criticam quasi efflorescentiam haut raro sustulit. *Urina*, quamdiu est *perspicua & clara*, tamdiu morbum

ulterius iri prorogatum nunciat, quemadmodum ejus affore finem eadem *turbulenta & sedimento prædita* significat: Indicium enim est lentorem viscidum, quasi jam nunc subactum præcipitari. *Paroxysmi* quo sunt ab initio tertianæ *vehementiores*, eo validius naturæ robur, adq; resistendum alacre, febremq; proinde non fore diuturnam, notant: Contra, quo sunt primum *paroxysmi remissiores*, eo consuevit esse morbus durabilior. *Appetitus*, quamdiu *prostratus* perseverat, tamdiu, utcumq; *paroxysmi* per dies aliquod emanserint, non tamen adesse pacem, sed inducias, demonstrat. Sæpe quidem, non vero semper, morbum iri solutum, *labiorum exulceratio* notat; exulcerantur enim quandoq; ob materiæ morbificæ copiam & summam acrimoniam.

X I X.

Properamus ad intermittentis Tertianæ curam, ubi prætermissa de fontibus indicationum & remediorum operosa tractatione, statim à primo limine, conducat ne *venam* in intermittentibus & præcipue *Tertianam* tundere, disquirimus? Eam ego rarissime suadere soleo, multorum observationem esse certissimam expertus, *paroxysmum Venæsectionem insequentem* esse *prioribus longe atrocior*, non tam quoad æstus, quam rigoris potissimum febrilis intensiorem. Causam enim morbificam non tam in sanguine, quam chylo latitantem, Venæsectio qui tollat? Nonne, dum eo pacto massa sanguinea diminuitur, proportio inter acrimoniam chyli viscidam, & sulphur volatile sanguinis cadit? hinc, quia spiculis suis orbatus sanguis æq; ut antea chylum viscidum subjugare non valet, frigus in sequenti paroxysmo intenditur, febresq; postea longe contumaciores & periculosiores evadunt, immo, quod antecedente paragrapho monitum, in morbos chronicos desinunt. Novi Matronam, quæ correpta febre, antea rigoris nihil vel parum persensit, imperata ab Empirico Venæsectione, cum vix esset religatum brachium, paroxysmus cum rigore vix tolerabili per 6 horas durante rediit, febre adeo pertinaci reddita, ut per septimanas octo medicinæ restiterit, quanquam, ubi per septimanas quinq; jam laborasset, ad eam sum demum vocatus. Nî proinde sit homo valde plethoricus, metusq; adsit, ne febrilis æstus rationi supplantet, Venæsectionem haud arbitror administrandam.

XX.

Purgantia, quando plerorumq; virtus in Sale lixivo penetranti consistit, non sunt heic adeo temnenda; sunt enim apta nata ad viscosum chyli in lacteis vasis coagulum resolvendum, obstructionsq; illas expediendas. Nam, vel ipsa purgatio non nisi levicula febris existit, ob præternaturalem quam in sanguine fermentationem instituit, quæ, tum à Φλογώσῃ, tum pulsu frequentiori, tum etiam subsequente siti proditur. Hic vero est virium habenda ratio, sunt itaq; lenia propinanda ex panchym. Croll. cum diagryd. granis aliquot sociato, die cum primis induciarum. Jalapina quoq;, & quæ sunt alia phlegmagoga, prosunt. Quanquam enim electivæ purgantia cœperint à multis in dubium vocari, sana tamen ratio suadet, esse purgantia quæ hujus magis quam alius humoris, concretive considerati, ratione symboli fermentum sunt atq; menstruum. Ut rem summatim completar: Non semper effectus voto respondet, si quando purgantia in intermittentibus ab initio propinantur. Sanguinem enim alioqui satis effrenem, fermentatione denuo inducta reddunt ferociorem. Sub morbi finem adhiberi possunt.

XXI.

Vomitoria semper sunt mihi & saluberrima visa & præsentissima; quanquam, qui febribus adhuc hodie ptisanæ cremore medentur, ab iis male sibi metuant. Nihil est periculi, modo assumantur ab initio morbi, viribus adhuc integris, in hominibus ætatis non adeo provectæ, nec thoracis aliquo morbo laborantibus: Humores eo, quo vergunt, per loca convenientia esse ducendos, Hippocrates monet; at eos huc declinasse, in præsentia, quem tractamus, affectu, paroxysmi cum nausea & vomitu, appetitusq; per totum febris decursum abolitio, demonstrare. Consentit ratio: vomitoria primis viis destinantur, nec adeo sanguinem, abditosq; corporis recessus peragant, quam solum Tertianæ stabulum, ventriculum cum adhærentibus intestinis & mesenterio. Exhibentur in robustioribus elegantissimo stratagemate vomitoria hora una ante paroxysmum; febris ni prima vice emanferit, secunda tamen vel tertia raro revertetur. Sint autem mitia, stomachicisq; remixta vehiculis: præstat §.ij. Sulphur cum crem. Tartari exhibitum, vel ⊖ Vitrioli cum foliis asari: Debiliores ea sumant intermissionis die,

die, sed quod supra dictum, non nisi initio morbi, dum vires adhuc sibi constant.

XXII.

Specifica antifebrilia, quia simul, vel *diaphoretica* sunt, vel *sudorifera*, ideoq; junctim hæc tractare placuit: Specificorum itaq; antifebrilium virtus è *Salinorum præcipitantium*, *absorbentium*, *incidentium*, *deobstruentium* & *diaphoreticorum* pro sapia est deducenda. E *VEGETABILI REGNO* amaricantia quævis, qualia sunt *absint*. *Cent. min.* *Card. ben.* *gentian.* familiam ducunt: Hæc enim, cum sint tenuium partium, pituitam viscidam in primis viis contentam potenter incidunt, & attenuant, adeoq; obstructions referant. Ni vero præcipitantia sint admixta, vel sudore res expediatur, humores viscidi naturam cascam haut difficulter resumunt. Pertinet huc etiam *Sinap. camph.* *piper*, *Spiritus vini*; &c. Sic in *CURLANDIA* multos videre stitutos, qui *piperis grana IX. numero* religiose observato, in Ω . *frumentacei haustu* sumerent. Sic *Exc. WEDELII Ol. febrifugum* ex *Ol. pip. camph.* & *caryoph. ãã.* mistum & ad gtt. iiii. v. in *Sir. cydon. vel granat.* adsumtum est nobile. Sic *China China* seu *cortex Peruvianus* alias quoq; *lignum febrifugum*, in hac potissimum *Tertiana Epidemia* fuit ulus præsentissimi: Illud mihi summis laudibus *ILLUSTRIS BARTHOLINUS Senior*, *Hafniæ* cum commorarer, extulit; quam suo calculo laudem approbavit magnus & eruditione & virtute & fama *CONRINGIUS*; verum, quod *Excellentissimus BORRICHIUS Hafniæ* monuit, non sine metu recidivæ adsumebatur, præcipue si securi ægri, & ut solent, obstinati, cum unus paroxysmus emaneret, ulteriorem pharmacorum usum recusarent. Idem, ut eo melius *China China* penetraret, Θ . *vol. CC.* aliquot granorum pondere ei lociavit. Eq; his omnibus fiunt vel additione aromaticorum stomachicorum, ut *galang. cal. arom. nuc. mosch. it. cort. vel. pom. citr. sem. car. anis. fœnic. rad. Zedoar.* infusa vel decocta; vel etiam in forma *extractorum, pilularum, pulverum, remixtis* Θ ibus exhibentur; pulveres enim in febribus, quia magis præcipitant, sunt præformulis aliis commodiores. Sic in *CURLANDIA* consueverunt etiam *nucis vomicæ ʒj.* in vino assumere, quo medicamento multi convaluere; debet autem superior nucis pars abrafa rejici, usq; dum album sequatur.

XXIII.

An in his febribus *opiata* sint usurpanda, merito quæritur? Antiqui vetant, quanquam non omnes, etiam hodie tutius abstinere *Nobilissimus BORRICHIIUS* existimat, in elegantissima & plane curiosa *de somno & somniferis dissertatione* §. 32. ab ipso mihi humanissimo Auctore communicata. *Excell. verò WEDELIUS* in *opiologia sua* se febres tertianas opiatis antifebrilibus mixtis felicissime, sine omni recidivæ metu percurasse testatur. Ego tantum hoc dico: Quando febris hæc epidemia circa paroxysmorum initia, cum horrendis vomitibus, ad 4. vel 5. horas durantibus conjuncta fuit, tentataq; prius antifebrilia stomachicis mixta, & hora una præterpropter ante paroxysmum propinata, inuncta ventriculi regio, applicata emplastra, abstinencia imperata, opis nihil tulerunt, sed paroxysmo ingruente medicamenta ante paullo præbita simul fuere per vomitum rejecta; quorsum tunc erat confugiendum? Ad opiata profecto. Præbitum matronæ 63. annorum *laudani opiati gr. j. cum pulv. nuc. mosch. tantillo pulveri antifebrili mixta*, tempore debito; singulis paroxysmis sum aliquid lucratus, furorq; mali pedetentim deliit, cum ægræ reconvalescentia. Nec metuendum, pituita cui malignitas inhæret densata & coacta, eandem fieri contumaciorem, hac enim ratione malignitas illa, cujus tò formale plerumq; consistit in volatilitate ab opiatis fixata quasi coërcetur statò humorum effreni tumultu: *Opiatorum* proinde in tertianis usus per est interdum utilis, sobrietamen adhibendus; humorum enim acrimoniam & temperant & sedant effervescentiam.

XXIV.

ANIMALE REGNUM absorbentia & precipitantia supeditat. Tales sunt *lap. 69. concha marinæ & nostrates*, quibus quandoq; solis febres pullæ, *chela cancrorum, mater perlarum, CC.* & quæ sunt alia: hæc enim omnia ob alkalicam, quam possident, naturam, acorem in primis viis, mesenterio cum primis & lymphaticis oberrantem, quo saturari cupiunt, absorbent; hinc subducta coagulante caussa, tollitur ipsum chyli coagulum, effervescentia illa præternaturalis sedatur, materiaq; morbifica præcipitata, per diaphoresin eliminatur: *Pulveres* verò *simplices* magis hic, quam *magisteria*, jam acido menstruo, quo

soluta fuerant, saturata, efficiunt; quanquam & magisteriorum in intermittentibus usus, alio tamen, quam præcipitandi fine, haud sit quaquam rejiculus: Alioqui ipsa *præcipitatio* Chemicis dicta in quadam mihi *absorbtione* consistere videtur, dum enim ab affuso liquore alio., menstruum, quod hætenus soluti corporis in se minima continebat, absorbetur, istæ atomi, tanquam nullis amplius carceribus inclusæ ad fundum secedunt. *Præclarus est pulvis absorbens WEDELIANUS.* Sunt & præterea, quæ possunt ex animali regno peti; sic *afellorum pulvis in vino* ante paroxysmum aliquando adhibitus juvat: sic in *CURONIA* vidi *lumbricorum terrestrium trium* in mortario contusorum & expressorum succum in aceti fortis haustu ante paroxysmum exhibitum febres solvisse plurimas, quod medicamen ceu Divinum in districtu Doblenensi Sengalliæ à matrona quadam Nobili fuisse circumlatum novi; Alioqui raro dicitur à Θ e horum animalculorum volatili posse obstructions expediri; sed vehiculum non placet.

XXV.

Ad *MINERALE REGNUM* progredior. Familiam hic ducunt Θ ia, ad febres tollendas propterea commodissima, quod simul sint \mathcal{E} aperitiva, \mathcal{E} diaphoretica \mathcal{E} roborantia, eaq; vel per se data, vel à Θ li Ω tu coagulata. Talia sunt *Sal Xcum* ejusq; & flores & cumprimis Ω us insigne sanguinis mundificativum, & acidi austeri domator eximius. Θ antifebril. Deck. ex Cap. mort. Θ Xci parat. Θ com. ejusq; Ω us & præcipuè dulcis, qui, præter id, quod adversatur morbo, ita est stomacho cumprimis amicus, sirupo cuidam stomachico ad saporis gratiam lociatus. Θ idq; purificatum, seu lapis prunellæ, duabus etiam intentionibus, fiti nempe sedandæ, & referendis obstructionibus accommodus: Θ Θ lat. seu arcan. dupl. ante paroxysmum Θ j. Θ \mathcal{G} iat. Huc pertinet remedium vulgi *CURONUM*, pulverem pyrium in Spir. vin. haustu adsumendum & convalescentium. Aluminosa, sed nunquam cum Salibus herbarum miscenda; ut *Magist. Alum. crystall. Alum. tincti. Vitriolum ejusq; Spiritus cum lap. prun. \mathcal{E} ∇ cichor. exhibitus. Elix. Vitr. antifebr. Huc non sine causa Θ ia è vegetabilibus per incinerationem elixiviata refero, qualia sunt Θ . Card. Ben. cent. min. absinth. & inde paratum cum lap. prun. in ∇ cich. solut. \mathcal{E} coag. Θ antifebrile Sim. Pauli. Chamæpyth. Scord. Circa*

Circa hæc Θ ia mihi sunt tria monenda : 1. Quod ea huc referam ob affinitatem naturæ, videntur enim hæc Θ ia, quia sunt Θ ia, vegetabilem quodammodo naturam exuisse ; quanquam Chemicorum illam controversiam, actu ne secundo & realiter hæc Θ ia in herbis præexistant, an Δ is vi demum extorqueantur? propterea meam non faciam. 2. Hæc Θ ia me aliis herbarum lixiviosis esse præferenda judicare, contra quosdam, qui ea ad unum omnia esse prorsus homogenea statuunt, adeo, ut idem sit in intermittentibus, vel à *genistæ vel Cent. min.* Θ e effectus expectandus. Brevibus dico : Errare, qui sic statuunt, *Solæ Salium figuræ, quas eorum crystallisatio diversissimas exhibet, demonstrant* : Quin Salia purgantia pure lixiviosa è MSSis. B. JOH. VAL. MAJERI, diversorum Sacri Rom. Imp. Statuum Archiatri & Phyci quondam Crailsheimensis, mihi sunt cognita. 3. Eorum effectum esse longe prælentiozem ab initio morbi, quam præterlapsis 7. vel pluribus paroxysmis. Tartarea ob materiæ affinitatem huc etiam refero : Sic egregia est Tart. Tinct. ejus arcanum & Ω us super lap. Θ . infusus : Sic Tart. Tartaris. \ddagger iatus à gr. xv. ad xx. laudatur. Crem. & crystall. Tart. Mixt. simp. Antimonium suppeditat \ddagger ium diaph. & bezoard. mineral. It. fl. \ddagger ii sudoriferos : Ol. febris. Deck. ex \ddagger io & Θ *co. Clyss. \ddagger Sulphuratum : Huc etiam Tinct. \ddagger . aperit. bezoard. \ddagger le fl. Θ *ci \ddagger les. cum primis in diathesi Scorbatica : Hic deniq; Ω . aperit. Penot. cum Θ e aperit. ex ejus Colcothare parato, & quæ sunt alia plura ob prolixitatem huc non referenda. Hæc q; omnia, quæ jam sunt à nobis allegata partim aperiunt, partim absorbent, partim præcipitant effervescentiam q; sistunt, plera q; simul movent sudores, modo æger stragulis obtectis ad eum se componat : Quamquam idem esse propemodum, siue sudor inlequatur semper, siue non, infra patebit.

XXVI.

Externa medicamenta quod attinet, præter fomenta, sacculos & inunctiones, feбри primario non opposita, in febribus multo dantur : Sic ejus generis epithemata solent nonnunquam febrilem effervescentiam sistere, dum Salia figunt, & torpescere humores faciunt ; qualia sunt narcotica : Tale est è radicibus hyoscyani paratum epithema, ad quod ceu sacram anchoram, CURLANDORUM mulierculæ confugiunt : hoc epithema

carpis applicatur, quibus sunt statim arteriæ substratæ, atomos narcoticas, effervescentiæ febrilis sedatrices imbibentes. Vel sunt *extrahentia, rubificantia* & *caustica*: Quale est Viri cujusdam experientissimi in Curonia, qui ex *alli*, *croci* & *is com. āā. contus.* & quasi emplastrat. medio annularis digiti articulo per 9. dies applicat. Sic nonnulli *Zingiberis* & *is tantillum cum ovi vitello impastatum* carpis super imponunt; Sic è *flammula, anserina, tel. aran. araneis ipsis* (quale est *Strobelb. empl.*) *succ. urtic.* parantur epithemata: *Iberis* plantis pedum supponitur; ut & *cort. inter. nuc. jugl.* & *to macerat*: Sic *Spir. vin. Ol. absinth.* & *bals. Peruv. spina dorsi inungitur*, aliaq; plura: Nemo fortasse an est prudentiorum, quin his interna medicamenta præferat. *Amuleta ex campb. aranea viva capsula inclusa, cap. lacert. vel serp.* in malignioribus locum habent. De curis per *transplantationem*, ut, quando *unguium præsemina fluentæ* injiciuntur, aut quando *avena carpo per 24. horas alligata, postea terræ mandata cum sui progerminatione febrem tollere* dicitur, ejusmodiq; pluribus, tacere malo; quam incerta sine ratione propalare.

XXVII.

Ex adductis medicamentis medendi sibi quilibet methodum prolubitu cudat; mihi sequens est visa præsentissima: In robustioribus, aq; febris initio, imperata tenui diætâ (quamquam raro sum ab initio vocatus) 3. vel 4. ad summum paroxysmos defervescere sivi, tum ob rationem supra in prognosticis allatam, tum ob alias, quæ & Medicis sunt, & solis esse debent notæ; non nisi *digestiva* fuerunt & *stomachica roborantia* adhibita; curaviq; semper, ut *alvus esset aperta*, segnisq; suppositoriis & clymatibus ad officium cogeretur: Postea fuit à me exhibitum *emeticum* § *iale è Sulph.* § *ii gr. viij ad ix.* (populi enim septentrionales difficiliter longe moventur, quam nos, qui sumus austro propiores) aut è *vitriol. cum foliis asari bora una ante paroxysmum*; cum autem febris esset vaga, tunc, quando dolor in lumbis ejus adventum nunciaret; observatis, quæ ante, in & post vomitionem observanda Practici monent, post aliquot vomitus dedi *stomachicum confortans* è *u is dulci cum Conf. alk. vel Elix. m. polychresto*; intermissionis die non nisi *stomachica laxantibus mixta, resolventia* & *deobstruentia* dabantur, quale est præcipue *Elixir illud, quod dixi, polychrestum, quod non est, nisi Eli.*

*Elixir propr. com. additis castorei & opii tantillo ; menstrui vero loco non Spir. vin. sed Spir. cochlear. nec Spir. vitrioli, sed Spir. Sal. armon. recipere soleo, idq; ob hanc rationem, quod in tantilla mea praxi observarim, acida populis Septentrionalibus, cum primis Balthici maris accolis, ob scorbutum iis endemium, esse noxia. Re-
deunte paroxysmi die consueto tempore data dosis pulveris antifebrilis, ex $\frac{1}{2}$ diaph. oc. $\frac{1}{2}$ Sal. armon. lap. prunellæ, Sal. Card. ben. absinth. $\frac{1}{2}$ cent. min. adcurate mixtis, in forma vel pulveris, vel ob ingratum Saporem, boli cum conf. ros. Conf. alk. diascord. Frac. theriac. Rob. samb. vel forma haustus additis ∇ is stomachicis, sudoriferis & alexipharmacis. Semper enim admiscui medicamenti bezoardica, eo quod hæc epidemia, propter contagium malignitate non careret, ad eam proinde semper esset respectus habendus ; A sumto medicamento expectatus pro re nata sudor levis ; aliquando omissus : non enim est semper necessarium, quod præcipiunt aliqui, sudare, idq; haut raro ad virium resolutionem : sufficit per solam diaphoresin exhalare salia à medicamento ab humore inviscante expedita, quam serum utile corpori una expelli. Insequente rursum paroxysmi die pro virium ratione vel reiteratum vomitorium vel pulvis antifebrilis : Deniq; ubi vi mali coercita paroxysmus emanavit sequente intermissionis die exhibito leni purgante curæ à me finis impositus, continuatis nihilominus aliquantisper stomachicis, imperatæq; tenui diætâ, & exhibito ad minimum duabus adhuc vicibus medicamento specifico, donec ægrum esse prorsus in vado cognoscerem. Febris enim hæc adeo fuit pertinax, ut, quando securi essent ægri, & cum semel paroxysmus emanaret, sese omnino curatos existimantes medicamentorum usum non ad dies aliquod continuarent, recidivam ut plurimum priori morbo longe pertinaciorem experirentur. In plethoricis, athletico habitu præditis, ubi nimia Sanguinis effervescencia delirium minitaretur, imperavi, quamquam vix id semel sit factum, ob supra dictas rationes, Venæsectionem. Ubi contraindiantia quædam vomitoriorum usum non esse adeo tutum persuaderent, ibi purgantia, & si die intermissionis adhibita, vicem suppleverunt. Quando vero Medici raro solent, etiam in quibusvis morbis, ab initio vocari, sed, ubi vetularum moleste officiosarum, aut agyrtarum consilia nil amplius possunt, & ridiculum*

illud proverbium, wir wollen noch zusehen/ minitatur periculum; ideo sæpe dicta medendi methodus observari nequit, & viri-um est habenda ratio; in hoc casu § purgantia exulant § vomitoria, sed paroxysmi diebus non nisi antifebrilia bezoardicis § confortantibus mixta, § intermissionis diebus cordialia § stomachica sunt in usum trabenda. Ubi adsunt horrendi vomitus opiata caute accersere nil prohibet; idem in vigiliis est factu opus, ubi usitatus mihi pulvis anodynus confortans è magist. Corall. rub. margar. laud. op. § sant. rubr. constans, vel per se datus ad ʒß. vel aliis medicamentis remixtus multum semper valuit. Dolor capitis epithematibus sistendus, vigiliæq; inunctis temporibus unguent. alabastr. popul. § op. arcendæ: Carpi sacculis vel pulvillis cordialibus muniendi: Emplastra stomachica, oleorumq; inunctiones prosunt. Sitim sedamus lapid. prunellæ in aqua fontanæ soluti dosi; vel crysallo in frigidam intincto, subq; lingua ad siccitatem usq; detento, hinc denuo refrigerato, vel Julebis refrigerantibus.

XXIX.

Quanquam autem sim ægris ad ravim usq; semper oblocutus, in accurata diætæ observatione latere nervum curationis, in nulla tamen parte contumaciores eos & magis refractarios sum expertus, quasi non propterea nos simus homines, ut ratione ductrice affectibus dominemur. Dico itaq; , in febribus cum primis intermittentibus curationis cardinem in strictissima diætæ observatione versari. Pessime agunt ægri, qui nonnunquam clam Medicum, quæ erant ab eo vetita, ingurgitant, quem, nisi seipsos, fallunt? Pessime agunt ægri, qui haut raro medicamenta sibi à vetulis cum obtestatione commendata clam Medicum sumunt, & vel ob ingratum saporem, vel alios metus ridiculos medicamenta à Medico præscripta non usurpant, nihilominus redeunti Medico persuadentes, se strictè ad normam præscriptam vixisse, cui, nisi sibi ipsis, nocent? Cum enim omnemedicamentum sit alterans, & usurpatis peregrinis vel ordinariis remixtis, vel omnino intermissis, mutatio notabilis insequitur, quam à Medicamento suo Medicus non exspectarat; nonne tunc attonitus ad ægri lectum stat, ignarus, è quo fonte tam inexpectatas morbi mutationes deducere debeat? Credo hinc fieri, quod Medicorum nonnulli se ab hujus vel illius pharmaci exhibitione hoc vel illud mirum & paradoxon observasse scribunt,

bunt, quod tamen ab assumptione medicaminis fortassean peregrini inscio Medico provenerat: Nonne *hæc est egregia fallacia secundum non-causam ut causam?* Ita sæpe Medicis illudisum ego ex ægrorum convalescentium spontanea confessione expertus. Sed hæc nihil ad diætam. *Aër* itaq; sit *temperatus*; Justo enim *calidior* vires resolvit & febrilem effervescentiam adauget: pessime ergo suis consulunt ægris, qui vana persuasione ducti arbitrantur, quo sit calidius conclave, eo fore ægrotanti salubrius; *Aër* justo *frigidior*, medicamentorum operationi officit, requisitam diaphoresin pororum constipatione impedit, lymphaticorum thoracicorum contenta inviscat, præcipue si post nimiam excafactionem subito admittatur, & stomachi pituitam auget; Tutius itaq; est, excedere eum in calore, quam in frigore. *Abstinentiam* ego summopere commendo: Si enim usquam ille Hippocratis aphorismus, *corpora impura, quo magis nutriveris, eo magis læseris*, locum invenit, certe hic invenit. Observate singuli! *semper qui cibatis paroxysmus appellit, ferocior est & durabilior.* Causa è superioribus haut difficulter petitur: Quid enim est aliud cibus, quam febrilis materiæ pabulum? namq; aliud è cibus nutrimentum ab inertis ventriculi fermento excoqui nequit, quam, quod est pituitosum & viscosum. Contra, quia in quovis paroxysmo saltem aliquid humoris viscosi subigitur, sic deniq; materia deficit, & abstinentia morbus tollitur. Sæpe hac sola, nullis adhibitis medicamentis intermittentes fuisse sublatas, testantur Practici; nec est leve in curandis febribus stratagemata imperare ægro 6. ad. minimum ante ingruentem paroxysmum horis, tum à potu, tum vero cum primis cibo abstinentiam: Non ergo sunt ægri ad assumendum cibum ab adstantibus, quod est solemne, vi cogendi. Intermissionis die fruijci jusculo bordeaceo cum pullis gallinaceis cocto, aut avenaceo, vel decocto pisorum abstergente tenuissimo conducit; fugiantur carnes præcipue viscida, & quæ sunt flatuosa olera & legumina. Nec piscibus, nec lacticiis ægri vescantur. Si forte appetitus ad horum aliquod feratur, præbeatur tantillum probe correctum; aliquot enim buccellis æger satiabitur. Exulabunt borei fructus, quæq; sunt ad fermentandum proclivia quævis. Quid si æger anxie cibi quoddam genus appetat? Sic liberatos quosdam oxygala, alios lardo cum brassica comesto &c. testantur historix? & nonnunquam appetitus

tus est vagus; rationibus ergo primo ægritentandi, si contumaces perseverent, poterit vel illis tantillum concedi (modo non absurda plane appetantur, idq; caute fiat, novimus enim funestos exitus) vel appetiti cibi aut odor aut sapor additamentis quibusdam ægris adversus reddi, sicq; illis licita & honesta fraude imponi. Potus sit *decoctum hordei usitatum passulatum*, ☞ *Sirubo rubi Idæi vel succ. citr. nonnihil acidulatum*. It. *decoctum CC. Julebi cordiales*, sed *Saccharo* ☞ *Sirubis* non ultra modum edulcorati. Potus vini non est omnino interdicens, sed concedendus quandoq; haustulus, habito ad æstum febrilem respectu. Novi, qui contracta à *Vino crapula* convaluerunt, solutis per sal vini volatile obstructionibus. *Cerevisia mediocris cui non sit lupuli nimis incoctum*, est concedenda. In robustis motus ☞ *vigilie* non nocent; quosdam febris post motum vehementem, venationes, diurnam saltationem, malo per sudorem discusso, reliquit: *Somno* ☞ *quiete* debiliores opus habent. Sit *alvus aperta*, munerisq; sui, si nolit obsequi à clysteribus & suppositoriis admoneatur. *Animi pathemata* sint moderata; memini recidivas *ab ira vehementi* exortas; in ira enim à sanguine ebulliente, spiritibusq; ferocientibus materia in lacteis hærens tanquam cuneo quodam in chyli receptaculum propulsa paroxysmum inchoat.

XXIX.

Affectus ejusmodi epidemii ob aëris contagium semper malignitatis nonnihil habent conjunctum; ideoq; sibi tempori sanus quisq; prospiciat, seq; decenter præservet. Fit illud primo vere corpus à superfluis impuritatibus per *lene purgans* liberando & probe expiando; Prodituris in publicum commendavi mane *mixturam præservantem* è ☞. *Tartari, CC. theriac. camph. Sal. vol. CC.* ☞ *Elix. propr. absq; acido certa proportionem confusis, digestis* ☞ *filtratis*, vel etiam supra laudatum *Elixir polychrestum utrumq; in fuscule ad gtt. xv. xx. xxv.* Cibi sint eupepti, nec fumo indurati, salsi, visceri; pisces edantur moderate: Potus sit vinum clarum, cerevisia non feculenta: Ne cibo ad extremam satietatem se quis ingurgitet; *Dietæ partes reliquæ decenter observentur.*

T A N T U M



Sunt à *fervendo Febrem* qui dicier ajunt,
 Qui procul à janua mihi vix errare videntur.
 Nam quantus *Fervor* quavis in *Febre* cruoris
 Adsit, *Hemitritæ* loquitur penetrabilis æstus.
 Heu! quot *fervores* Te restinxisse fidelem,
 LENTILI, Medicum tellus CURONIA vidit,
 Dum *pyretos* trux, quem lux tertia semper adauxit,
 Balsamicas atomos generosi sanguinis hausit.
 Et, quanquam *Febres* *ferverent* perpete flamma,
 Sic Tua dexteritas, LENTILI, *efferbuit*, atq;
 Docta manus, *fervor* quo *deservesceret* omnis,
 Quem Tu, temporius veniens, compescere velles.
 Hinc factum, ut cuncti, quos sub *fervore* gementes
 Effectu Tua nulla carens Medicina levavit,
Ferverent in amore Tui. Sic Patria nostra
 Te civem in gremio promptissima, crede, tulisset.
 Sed, dum, quæ *fervent* spatium sibi turgescendo
 Exposcunt majus, Sic mens Tua *fervida* cogi
 Non quit in angustum LETTÆI limitis orbem,
 Sed merito fugit, & spatium sibi congener optat.
 Tale Tibi fors nunc monstrat GERMANIA, nutrix
 Virtutum, inq; illa celebris FRANCONIA mater,
 Quæ Doctorali Tibi tempora cingere lauro
 Atq; diu meritos conferre decenter honores
 Prompta stat. Inviti Temet nos linquimus omnes,
 Si revocare gradum placet, O revertere! læta
 Altera Te excipiet CURONIA PATRIA rursus.
 Quanquam, si Superi Sedem statuere remotam
 A nobis, tamen in nobis *fervescet* amoris
 Ignis perpetuus, nec *deservescet* in ævum.

Te modo ne capiat male fida oblivio ADOLPHI,
Dum Tibi læva papilla Salit sub pectore. VIVE

Lentili nobilissime, & memor esto

HENRICI ADOLPHI, Ducatum
Curlandiæ & Semgalliæ Superinten-
dentis.

TEmpus ferre rosas ajunt. *Sed cur Tibi Tempus
promit in Octobri, Docte ROSINE, Rosas?*

Scilicet, ut cito quæ fiunt, pereunt cito, Tempus

LENTILIO merito lentius haste tulit.

*Quas proin Autumnus jam dat Tibi, duraturas,
neve peremturas auguror esse gelu.*

*Sic ex hisce rosis, generose ROSINE, corollam
immarcescibilem neçtet Hygeja Tibi.*

*Ita desideratissimi Domini Compatriis Summis
in Medicina honoribus applaudit, eumq;
simul esse sui memorem jubet*

JOHANNES ADOLPHUS HOLLENHAGEN,
Sereniss. Duci Curlandiæ à Concionibus
Aulicis.

L*entilium lente* superasse cacumina Pindi
nil est: Effectum id prima juvenia dedit.

Lentilium lente didicisse Machaonis artes

nil est: crede mihi, fac cito prendit eas.

Lentilium lente pepulisse tot agmina Causi

nil est: namq; ejus dextera prompta fuit.

Lentilium lente Medicos properare ad honores

miror: testor Eum hos promeruisse diu.

Lentilium lente ad Patriæ revocarier oras

in votis habuit *Lettica Terra Suis.*

Lenti-

*Lentilium lente me deseruisse volebam,
sed, quid agam? video sic placuisse Deo.*

Lentili lente Te mens mea deferet: Ergo

MUSMANNI monitum fuscipe, Amice, Tui:

Lentili lente capiat Te oblivio nostrī,

Lentizik lente teĉta revizi poliz!

Hac ad nomen Lentili! Tuum allusione

Tibi

qui fuisti corpore quidem haecenus, sed per
tempus heu! breve, meus,
animo nunc semper meus,

Feliciter æternum, æternus Amicus

apprecor

MICHAEL MUSMANNUS, Pastor

Doblenensium in Curonia Letticus.

ROSINUM LENTILIUM,

Optimum Amicum, Fautorem & Medicum Suum,

Ad honores in Medicina Summos

Functionemq; publicam

properantem,

Sub discessum ē Curonia gratu-
labundus prosequitur

M. MARTINUS SCHMIDIUS,

Butisbac. Hassus.

Correptus essem cum Febre,
ROSINE docte, pessima,
Obnoxium doloribus
Facere me crudelibus
Cogebat horror querquerus,
Æstusq; fervidissimus.
Ut sæpe cum multicipite
certamen hydra ducere,

Et sæpius Draconibus
Flammæ feræ spirantibus
Negotium facessere,
Quinimò stabulum verrere
Mibi viderer Augiæ.
His omnibus non strenuus
Esset ferundis Hercules,
Solutus Tuus quæ Schmidius

Et sæpius Draconibus

Flammis feras spirantibus

Negotium facessere,

Quinimò stabulum verrere

Mibi viderer Augiæ.

His omnibus non strenuus

Esset ferundis Hercules,

Solus Tuus quæ Schmidius

Ноѣн

Noctu diuq₃ pertulit.
 Nil namq₃ de singultibus,
 De subdolis sudoribus,
 Stagnantibus tumoribus,
 De torminibus acerrimis
 Obstructione & asthmate
 Deliquis apoplecticis,
 Nihil canam superflue.
 Ventum esteo, sex unicum
 Ut mensibus digitum neq;
 Pedis neq; manus verterem!
 Miserrimum mortalium
 In hoc statu me conspicans
 Salute de, dico, mea
 Actum est: Malum indomabile.
 Utcunq₃, quod nunc ambulem,
 Et scribere hos jambos queam,
 Tux fuit id industriæ,
 Cum primis autem gratiæ,
 Quæ nos respexit cælitus.
 O specimen artis Celsicæ!
 Quæ sostra digna Solvero

Tanti mali levamine?
 Tuum manebit insitum,
 O LENTILI, nomen animis
 Nostris, bonorumq₃ omnium
 Tecum trabis suspiria,
 Et vota, corde ex candido
 Profecta. Quæ, reducere
 Si non queunt ex Patria
 Nostrum decus Te maximum,
 Ventis tamen sociabimur,
 Ut vela pellant ocyus,
 Reddantq₃ Te GERMANIÆ,
 FRANCONIÆQ; finibus,
 Medicum Sagacem, sedulum,
 Doctum, probatum pluribus,
 Carptis honoribus prius
 In arte Medica maximis,
 Vergant, precor, qui in gloriam
 Dei, Salutem Principum,
 Tuumq₃ decus & commodum,
 In gaudium Parentibus,
 Solatiumq₃ languidis.

FINIS.

